



**Conciones Oder: Christliche Predigen vber die Son- und
Feyrtägliche Euangelia nach Ordnung der Römischen
Catholischen Kirchen und etlicher Teutscher Bistumber**

Dem höchsten Gott zuförderist vnd seinen lieben Heyligen zu Lob/ den
jrrdischen Menschen zu heylsamer Vnderweisung in Glaubssachen vnnd
tugentlichen Sitten: Auch allen Pfarrhern vnd Predigern in einer Kirchen
oder Cantzel/ auff vil Jahr vnderschiedliche Predigen vnd Materien
füzubringen/ zu gutem ...

Maenhard, Simon

Augsburg, 1629

Privilegien

[urn:nbn:de:hbz:466:1-80202](https://nbn-resolving.org/urn:nbn:de:hbz:466:1-80202)



FR Ferdinand der an-

der/ von Gottes Gnaden erwählter Römischer Kayser zu allen Zeiten/ Mehrer des Reichs/ in Germanien/ zu Hungarn/ Böhaim/ Dalmatien/ Croatien vnnnd Eslavonien/ ic. König/ Erzhertzog zu Oesterreich/ Hertzog zu Burgund/ Steyr/ Kärnten/ Crain/ vnnnd Wirtemberg/ Graff zu Tyrol/ ic. Entbieten allen vnnnd jeden Churfürsten/ Fürsten/ Geist/ vnnnd Wellichen/ auch sonst allen andern Vnsern vnnnd des Reichs/ darzu vnserm Erbkönig Reich vnnnd Ländern/ Vnderthanen vnnnd Getrewen/ was Wir den/ Stands oder Wesens die seyn/ in specie aber allen vnnnd jeden Buchtruckern vnnnd Buchführern/ vnser Kayf. Gnad/ Freundschaft/ auch alles liebs vnnnd guten/ vnnnd fügen. E. E. An. An. vnnnd euch hiemit in Gnaden zuvernemen. Demnach bey ons vnser lieber andächtiger Frater Simeon Mänhard, des Ordens S. Francisci Priester demittigt supplicando einkommen/ vnnnd berichtet hat/ welcher gestolt er zu des allerhöchsten Gottes alleinigen Lob vnnnd Ehr/ vnnnd dann der Christlichen Seelen Heyl vnnnd Volsarth/ nicht weniger auch zu augmentier: vnnnd Erhaltung vnserer vralten Catholischen Religion. mit Bewilligung seiner geistlichen Obrigkeit Vornahme seye/ ein Postill/ in zwölff Bücher abgetheilt/ welche durch gelehrte Männer/ vnnnd vornemme Doctores Theologiae mit allem Fleiß durchlesen/ censiert vnnnd approbiert worden/ inn offenen Truck außgehen zulassen/ der gänglich vnnnd ungezwungenlicher Zuversicht/ es werde die allgemaine Christenheit einen wirklichen grossen Nutzen schöpfen können. Er gleichwol aber diese Besorgung trag/ es möchten dis seyn durch schwere Arbeit zusammen gebrachte Opus von vnderchiedlichen Buchtruckern etwan gang/ oder Stuckweiß zu seinem mercklichen Nachtheil vnderzogen/ nachgetruet/ oder gar verderbt/ vnnnd hinderstellig gemacht werden: mit angehängter/ vnderthäniglicher vnser Kayf. Gnad vnnnd Freyheit/ vnserm/ vnnnd des Reichs lieber getrewen Andreassen Apergeren/ Burgern vnnnd Buchtruckern zu vnser/ vnnnd des Heil. Reichs Statt Augspurg zuuerwilligen außfertigen/ vnnnd anhängigen zulassen/ damit er nit allein dis Werck besagter Postillen/ sondern

sondern hie beyneben auch alle Controuerfias fidei Catholicæ, so von Catholischen approbierten Authorn in künfftig jme in öffentlichen Truck zuverfertigen zugefelt werden möchten/ allein trucken/ vnnnd dahin in specie befreyt wölle/ dz allē vñ jeden andern Buchtruckern/ jme dergleichen Werck nachzutruken/ bey einer nambhaffte Straff inhibiert, vndernßlich verboitten werden möchte/ daß wir hierauff vorgedachten Fratrīs Mānharde zimblliche Bitt/ vnd Gott wolgefällige intention, auch vorgedachtes Alpergers ons gerühmbtes Bolderhalten vnnnd guten Wandel gnädigst angesehen/ vnd jhme Alpergern daher o das gedittne Priuilegium verwilliget habē/ verwilligen vñ befreyen mehr besagte Alperger/ thun jme auch diße Specialgnad hiemit wissentlich/ vnd in Krafft diß Brieffs/ also/ vnd der Gestalt/ daß er vnd seine Erben ernennete mehrernannten Fratrīs Mānhards Postill/ vnd darzu all vnd jede Controuerfias Catholicæ fidei, die von Catholischen approbierten Authoren jhme zukommen möchten (jedoch daß er dem Herkommen nach/ wenigst drey Exemplaria von allē Stücken/ in vnserē Kayf. Reichshoff Cansley einschicken/ vnd oberliffern lassen/ vnd hierbey diejenige Buchtruckern/ welche vorher mit vnsern Kayf. Priuilegien vber dergleichen Controuerfias begnadet worden/ expresse außgenommen seyn sollen) ohne jemandes andern Einred oder Hinderung auff zehen Jahr lang allein/ vnd kein anderer trucken/ nachtrucken/ vnd öffentlich verkauffen könne/ solle vnd möge/ alles bey Vermeidung vnserer ernstlich Kayf. Straffe vnd Bgnad/ auch einer nambhafften Pden/ nemlichen zwanzig Marc löttiges Golds/ welche halb in vnser Kayf. Kammer/ vñ die andere Helffte mehrgedachtem Alpergern/ die Vbertretter vnßählbarlich zuerlegen schuldig vnd verbunden seyn sollen/ das meinen wir ernstlich. Mit Erkund diß Brieffs besiglet/ mit vnserm Kayf. auffgetruckten Secret Insigel. Geben zu Mariazell/ den sibenzehenden Junij/ Anno sechzehenhundert/ sibenvnnnd zwanzig/ vnserer Reich deß Römischen im achten/ deß Hungar. cheit im neunnden/ vnd deß Böhaimischen im zehenden.

Ferdinand.

Ott Heinrich von Stralendorff/
Reichshoff Vicepräsident.

Ad Mandatum sacre Cæsareæ
Majestatis proprium.

Arnold von Clarstain.

Dem